



Broj: 05/11-11-8-3396/26
Sarajevo 19-02-2026

Na temelju člana 33. Zakona o zdravstvenom osiguranju („Službene novine Federacije Bosne i Hercegovine“ broj: 30/97, 07/02, 70/08, 48/11, 36/18 i 61/22), člana 19. Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva (Službene novine Kantona Sarajevo“ br. 22/20, 30/21, 42/22, 48/22, 21/23 i 01/24),– u daljem tekstu Uredba, člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, br. 4/00, 18/02, 30/08, 1/12, 15/13 i 9/22), te odluke Upravnog odbora broj 01/2-02-2-742-6a/26 od 23.01.2026.godine, Direktor Zavoda zdravstvenog osiguranja Kantona Sarajevo objavljuje:

JAVNI POZIV
za dostavljanje prijave za zaključenje ugovora za isporuku
medicinskih sredstava osiguranim licima

I. OPŠTI PODACI

Naziv i adresa ugovornog organa: Zavod zdravstvenog osiguranja Kantona Sarajevo, Ložionička 2, Sarajevo
Kontakt telefon: 033 725 237 ; 033 725 300; 033 725 202;
Email: medicinska.sredstva@kzzosa.ba; med.sredstva@kzzosa.ba

II. PREDMET UGOVARANJA

Isporuka medicinskih sredstava koja se u skladu sa važećom Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva, osiguranim osobama Zavoda mogu propisivati u okviru obaveznog zdravstvenog osiguranja.

III. PRAVO NA USPOSTAVLJANJE UGOVORNOG ODNOSA

Pravo na zaključivanje Ugovora imaju sve apoteke i specijalizirane trgovine za promet medicinskim sredstvima na malo koje posjeduju važeće rješenje Ministarstva zdravstva Kantona Sarajevo o ispunjavanju uvjeta prostora, kadra i opreme za promet medicinskim sredstvima na malo, a koje je izdato u skladu sa Zakonom o apotekarskoj djelatnosti (Službene novine Federacije BiH“, broj 40/10) i Pravilnikom o bližim uvjetima prostora, opreme i kadra za specijalizirane trgovine za promet medicinskim sredstvima na malo (Službene novine Federacije BiH“, broj 41/12).

Ako podnosilac dostavlja prijavu za više maloprodajnih lokacija opću dokumentaciju dostavlja u jednom primjerku, a ostali podaci iz Javnog poziva se dostavljaju za svaku od maloprodajnih lokacija.

IV. SADRŽAJ PRIJAVE

Prijave se podnose isključivo na obrascu za prijavu na Javni poziv, a ista se može preuzeti na web stranici Zavoda u rubrici ortopedska pomagala (www.kzzosa.ba)



Prijava mora sadržavati:

1. Pravilno i potpuno popunjen prijavni obrazac, ovjeren potpisom i pečatom odgovorne osobe podnosioca prijave;
2. Pravilno i potpuno popunjenu tabelu koja će biti sastavni dio ugovora (koja je sastavni dio ovog javnog poziva);
3. Rješenje o odobravanju rada za promet medicinskim sredstvima na malo izdato od strane ministarstva zdravstva Kantona Sarajevo;
4. Aktualni izvod iz sudskog registra (sa razvrstanom djelatnošću) ili Rješenje nadležnog organa registraciji djelatnosti
5. Uvjerenje o poreznoj registraciji – identifikacijski broj;
6. Uvjerenje Suda BiH i nadležnog suda prema sjedištu pravnog lica, za podnosioca prijave, kojim se dokazuje da u krivičnom postupku nije izrečena pravosnažna presuda za krivično djelo učešća u kriminalnoj organizaciji, za korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan;
7. Uvjerenje nadležnog suda ili organa uprave (ovisno o registraciji podnosioca prijave), za podnosioca prijave, kojim se dokazuje da nije pod stečajem, niti je predmet stečajnog postupka, nije predmet postupka likvidacije, odnosno da nije u postupku obustavljanja poslovne djelatnosti, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
8. Uvjerenje nadležne poreske uprave ili ukoliko se radi o podnosiocu prijave koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje;
9. Uvjerenje nadležne/ih institucija o uredno izmirenim obavezama po osnovu direktnih i indirektnih poreza;

Uz naprijed navedeno, podnosioc prijave treba dostaviti i sljedeću Izjavu kojom prihvata:

1. Obavezu pridržavati se važećih odredbi Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva, općih akata Zavoda kojima se reguliše postupak i način ostvarivanja prava na ortopedska pomagala i drugih zakonskih i podzakonskih propisa, kao i eventualnih izmjena navedenih propisa iz ove oblasti;
2. Da će isporučivati medicinska sredstva po cijenama iz Cjenovnika, a najviše po cijenama definisanim važećom Odlukom o visini učešća Zavoda zdravstvenog osiguranja Kantona Sarajevo u cijeni medicinskih sredstava koja se mogu propisivati u okviru obaveznog zdravstvenog osiguranja;
3. Da za svako medicinsko sredstvo/ortopedsko pomagalo koje namjerava isporučivati osiguranim osobama, ima Rješenje o upisu u registar medicinskih sredstava BiH, odnosno da vrši prometovanje medicinskim sredstvima u skladu sa važećim Zakonom o lijekovima i medicinskim sredstvima BiH;
4. Da ovlašteni kontrolori Zavoda mogu kontinuirano vršiti kontrolu primjene zaključenih ugovora,
5. Plaćanje u roku do 60 dana od dana ispostavljanja ispravne fakture;
6. Da će vršiti obaveznu edukaciju korisnika/osiguranika Zavoda o pravilnoj upotrebi pomagala/medicinskih sredstava;
7. Da će servisirati isporučena pomagala koja su predmet ugovora i u razdoblju trajanja ugovornog garantnog roka otkloniti nastali kvar ili izvršiti zamjenu tehnički neispravnog pomagala.
8. Da će medicinska sredstva izdavati odmah, odnosno najkasnije u roku od 30 dana od dana narudžbe.

NAPOMENA vezano za dostavljanje dokaza navedenih iznad:

Sva tražena dokumentacija dostavlja se u originalu ili kao ovjerena kopija.

Dostavljena Izjava od strane podnosioca prijave mora biti ovjerena od strane nadležnog organa.

Ukoliko su pojedini dokumenti napisani na nekom drugom jeziku koji nije službeni u Bosni i Hercegovini, potrebno je dostaviti i zvaničan prevod sudskog tumača.

Dokumentacija se dostavlja s popisom sadržaja, ovjerena i potpisana od strane ovlaštene osobe podnosioca prijave.

Pravilno popunjena, potpisana i ovjerena tabela će biti sastavni dio Ugovora.
Podnosioc prijave je dužan tabelu pravilno i potpuno popuniti, ovjeriti i dostaviti uz prijavu na Javni poziv.

Navedenu tabelu podnosioc prijave treba dostaviti i u digitalnoj formi na USB-u (u xlsx. formatu) zajedno s ostalom dokumentacijom.

ZAKLJUČENJE I TEMELJNI ELEMENTI UGOVORA

Podnosiocima prijave koji ispunе uslove iz Javnog poziva, bit će ponuđeno zaključenje ugovora na period od datuma zaključivanja ugovora do 31.03.2028.godine, a kojim će se regulisati:

- predmet ugovora (vrsta, način i obim isporuke medicinskih sredstava),
- međusobna prava, obaveze i odgovornosti ugovornih strana,
- rok, način plaćanja i fakturisanje,
- trajanje i raskid ugovora,
- kaznene odredbe u slučaju povrede ugovornih odredbi,
- rok isporuke pomagala,
- ostale odredbe.

DOSTAVLJANJE PRIJAVE

Prijava se dostavlja na protokol Zavoda, Zmaja od Bosne b.b., 71000 Sarajevo ili preporučeno poštom u zatvorenoj koverti na adresu: Zavod zdravstvenog osiguranja Kantona Sarajevo, Zmaja od Bosne b.b., 71000 Sarajevo, s naznakom:

„Prijava na Javni poziv za zaključenje ugovora za isporuku medicinskih sredstava osiguranim licima. Ne otvarati!“

Prijave moraju biti zapečaćene, a dokumentacija pripremljena na način opisan u Javnom pozivu, s upisanim nazivom, adresom i kontakt telefonom podnosioca prijave.

Podnosilac prijave određuje način dostave prijave.

U prijavi je obavezno priložiti dokumentaciju i priloge tražene ovim Javnim pozivom.

O rezultatima Javnog poziva svi podnosioci će biti obaviješteni putem e-mail-a dostavljenog u prijavnim obrascu.

Javni poziv ostaje otvoren do 29.02.2028. godine

Prvo otvaranje prijava će biti održano 09.03.2026. godine.

Svako naredno otvaranje pristiglih prijava bit će uslovljeno brojem pristiglih prijava i vremenskim periodom od posljednjeg otvaranja prijava.

OSTALE ODREDBE

Zavod ne snosi troškove podnosiocu po ovom Javnom pozivu, te zadržava pravo da izvrši izmjenu, dopunu ili poništiti Javni poziv u cijelosti ili djelomično, pri čemu ne snosi nikakve dodatne troškove.



DIREKTOR

Mr.sci.oec. Muamer Kosovac

Dostaviti:

- Direktor - (putem DMS-a);
- Sektor za medicinske i farmaceutske poslove - original;
- Sektor pravnih poslova sa pet poslovnih jedinica - (putem DMS-a);
- Sektor za ekonomiku i finansiranje - (putem DMS-a);
- Sektor za zajedničke poslove i podršku poslovanja - original;
- Služba za kvalitet i nadzor - (putem DMS-a);
- a/a - original.

